



Institute for Macroeconomic
and Regional Studies



Makroiqtisodiy va hududiy tadqiqotlar instituti

2024
2025
2026

FEVRAL
MART
APREL

Faoliyatning
asosiy
ko'rsatkichlari

Mundarija

O'zbekistonda sanoat rivojlanishi sekinlamoqdam? Past va yuqori baza ta'siri	2
2025-yil 1-fevral holatiga O'zbekiston bank tizimidagi raqobat darajasi	6
2025-yilning mart oyida Toshkent shahridagi supermarketlarda oziq-ovqat mahsulotlari narxining o'zgarishi.....	6
2025-yilning fevral oyida Toshkent shahrida uy-joylar uchun taklif etilgan ijara narxlari	7
2025-yilning fevral oyida ikkilamchi bozordagi avtomobillar narxining o'zgarishi.....	10
Qishloq xo'jaligining so'nggi 5 yildagi rivojlanishi.....	12



2025-yil yanvar oyida sanoat ishlab chiqarishining o'sish sur'ati 4,3 foizni tashkil etdi. Bu yil boshida korxonalar faoliyati uchun yaxshi ko'rsatkich bo'lib, kelgusidagi muvaffaqiyatli iqtisodiy faoliyatni anglatadi.

Albatta, agar o'tgan yilning yanvar oyidagi 16,6 foizli rekord darajadagi o'sish bilan solishtirilsa, hozirgi o'sish sur'ati unchalik hayratlanarli emas. Biroq, hozircha o'sish sur'atlarining sekinlashayotganligi haqida gapirishga juda erta. Iqtisodiyotda asosiy qonun – bu tovarlarga bo'lgan talab va ularning taklifi o'rtasidagi muvozanatga intilishdir. Ammo, korxonalarning faoliyat yuritish sharoiti va aholining ehtiyoji doimo o'zgarib turadi. Agar o'zgarishlar sezilarli darajada katta bo'lsa, ishlab chiqarishning keskin o'sishi yoki qisqarishining qisqa muddatli ta'siri bo'lishi mumkin. Bu holat bozorda muvozanat tiklanmaguncha davom etadi.

Shundan so'ng, ishlab chiqarish uzoq muddatli normaga qaytadi. Bu esa o'sish ko'rsatkichlarining pastroq (yuqori baza ta'siri) yoki yuqoriroq (past baza ta'siri) bo'lishi bilan bog'liq.

Joriy yilning yanvar oyida sanoat ishlab chiqarishining o'sish dinamikasida aynan "yuqori baza" va "past baza" ta'siri kuzatilmoqda. Chunki 2024-yil yanvar oyidagi yuqori o'sish 2023-yilning yanvar-fevral oylarida mintaqada kuzatilgan anomal sovuq iqlimi bilan bog'liq bo'lib, o'sha paytda ishlab chiqarish jarayonidagi cheklashish natijasida sanoat ishlab chiqarishi deyarli 10 foizga qisqargan edi.

Ushbu bosqichda ishlab chiqarishni qo'llab-quvvatlash bo'yicha o'z vaqtida ko'rilgan chora-tadbirlar tufayli ishlab chiqarishning qisqarishini yetarlicha tez kompensatsiya qilish va keyingi barqaror o'sish bosqichiga o'tish mumkin bo'ldi. Ya'ni, 2024-yilning yanvar oyida sanoat ishlab chiqarishidagi 16,6 foiz o'sishining 10 foiz banddan ko'pi ishlab chiqarish hajmlarini tiklashga, faqat 5-6 foiz bandi esa sof o'sishga to'g'ri keldi.

Bu shuni anglatadiki, joriy davrda, ehtimol, biz tendensiyalarning muvozanatlashishini kuzatmoqdamiz. Bunga, xususan, yuqori qo'shilgan qiymatga ega mahsulotlar ishlab chiqarish bo'yicha eng katta salohiyatga

ega bo'lgan qayta ishlash sanoatining jadal rivojlanish dinamikasi misol.

2025-yil yanvar oyida qayta ishlash sanoatidagi o'sish ko'rsatkichi eng yuqori bo'lib, 5,2 foizni tashkil etdi. Sanoat ishlab chiqarishi tarkibida qayta ishlash tarmog'ining ulushi 2024-yil yanvardagi 75,7 foizdan 2025-yil yanvarda 79,1 foizgacha oshdi. Qayta ishlash sanoatining ulushini oshirish bo'yicha qabul qilinayotgan choralar yuqori qo'shilgan qiymatga ega mahsulot ishlab chiqarishga yo'naltirilgan yuqori texnologiyali ishlab chiqarishlarning rivojlanishiga yordam bermoqda.

Shunday qilib, joriy yil birinchi oyining o'zida yuqori va o'rta texnologiyali sohalarning aksariyatida o'sish kuzatildi va bu davlat tomonidan qo'llab-quvvatlandi. Natijada, aynan shu sohalar sanoat optimizmining eng katta dinamikasini namoyish etdi.

Kompyuter va elektronika mahsulotlari ishlab chiqarishda o'sish sur'ati 107,7 foizni, elektr jihozlarida 114,5 foizni, turli xil uskunalar, shu jumladan transport uskunalarida esa 142,7 foizni tashkil etdi. Ushbu sohalarning yuqori va o'rta texnologiyali mashinasozlik mahsulotlari dinamikasiga qo'shgan hisssasi sezilarli darajada oshmoqda. Avtomobilsozlikdagi vaqtincha sekinlashuvni hisobga olgan holda, umumiy mashinasozlik ulushi 12,3 foizni tashkil etdi.

Texnologik tarmoqlarni qo'llab-quvvatlash bilan bir qatorda iste'mol sohasi ham faol rivojlanmoqda. Bu esa ichki bozorni o'zimizda ishlab chiqarilgan mahsulotlar bilan to'ldirishga xizmat qilmoqda.

Joriy yil yanvar oyida yakuniy iste'molchi talabiga yo'naltirilgan bir qator sohalarda ijobiy o'sish sur'ati kuzatildi. Oziq-ovqat sanoatidagi o'sish 112,7 foizni, to'qimachilik mahsulotlarida 103,6 foizni, kiyim-kechakda 101,3 foizni, mebel ishlab chiqarishda 116,7 foiz, qog'oz mahsulotlarida esa 137,6 foizni tashkil etdi. Erishilgan o'sish dinamikasi nafaqat ushbu turdagi mahsulotlarga bo'lgan ichki talabni qondirish, balki ularning eksportini oshirish imkonini berdi.

Yanvar oyida tog'-kon sanoati ham ijobiy zonaga kirib, o'sish sur'ati 102,3 foizni tashkil etdi. Bu ma'lum darajada o'tgan yilgi ishlab

chiqarish hajmining past baza ta'siri bilan izohlanadi.

Tabiiy gaz, neft va kondensat qazib olishning kuzatilgan kamayishi, shu jumladan xomashyo bazasi yomonlashuvining obyektiv sharoitlari tufayli, import yetkazib berishning ko'payishi hisobiga qoplandi. Eng muhim turdagi energiya resurslarini import qilishni oshirish bo'yicha vaqtida qabul qilingan choralar ichki bozorda energetik resurslar yetishmovchiligini kamaytirishga, korxonalar va aholini issiqlik va elektr energiyasi bilan ta'minlashda uzoq muddatli cheklovlarning oldini olishda yordam berdi. Shu bilan birga, aholi uchun maxsus ustuvor qo'llab-quvvatlash choralari ko'rildi.

Ko'mir qazib olishning o'sishi ham aholi va boshqa iste'molchilarni energiya bilan ta'minlashni yaxshilashga hissa qo'shdi. Bu ayniqsa, sovuq mavsumda juda muhim bo'ldi.

Bundan tashqari, energiya ta'minoti tarmoqlari ham sezilarli ta'sir ko'rsatdi. Ularning rivojlanishi issiqlik energiyasining yetkazib berilishini 1,46 baravarga oshirish va kichik tadbirkorlik subyektlari tomonidan ishlab chiqarilgan elektr energiyasining 2,8 baravar (statistik kuzatuvlar ma'lumotlariga ko'ra) o'sishi bilan belgilandi. Yirik korxonalarni hisobga olgan holda, jami elektr energiyasi ishlab chiqarish 7,2 mlrd. kVt.soatdan ortiqni tashkil etdi.


Umuman olganda, yanvar oyida sanoat ishlab chiqarishining o'sish indeksi ijobiy holatda mustahkam qolmoqda. Bu esa yil davomida yanada o'sish bo'yicha optimistik kutishlardan dalolat beradi. 2025-yil uchun kutilayotgan o'sish 6,1-6,2 foiz orasida baholanmoqda, bu esa to'liq amalga oshirilishi mumkin.

Optimistik kayfiyat boshqa savdo hamkor davlatlardagi sanoat o'sishi darajalarini tahlil qilish natijalari bilan qo'llab-quvvatlanmoqda. Masalan, Qozog'iston bilan taqqoslaganda, 2025-yil yanvar oyida O'zbekistonda sanoat ishlab chiqarishining o'sish sur'ati 2 foiz bandga yuqori bo'ldi (O'zbekistonda o'sish sur'ati 104,3 foiz, Qozog'istonda esa 102,3 foizni tashkil etdi).

Tarkibiy nisbatlar nuqtayi nazaridan, O'zbekiston sanoati qayta ishlash sanoati salohiyatini yanada samarali jalb etish orqali yaxshi pozitsiyalarga ega.

O'sishning prognoz ko'rsatkichlariga erishish yuqori qo'shilgan qiymatga ega bo'lgan qayta ishlab chiqarish sanoati mahsulotlarini ko'paytirish bo'yicha mavjud zaxiralarni jalb qilish samaradorligiga bog'liq bo'ladi. Ushbu yo'nalish amalga oshirilayotgan sanoat siyosatida o'zining ustuvorligini saqlab qoladi.

Sanoat mahsulotlarini ishlab chiqarish sur'ati (o'tgan yilning mos davridagiga nisbatan foiz hisobida)





Ma'lumot uchun: bozor HHI (Xerfindal Xirshman Indeksi) bo'yicha raqobat darajasiga ko'ra 3 guruhga bo'linadi, raqobat darajasi past (HHI 2500-10000 gacha), o'rtacha (HHI 1500- 2500) va yuqori (HHI 1500 dan past)

Aktivlar. 2025-yil 1-fevral holatiga aktivlar bo'yicha hisoblangan HHI indeksi o'tgan yilning mos davridagiga nisbatan 72 birlikka yaxshilanib, 800 ni tashkil qildi. Bu davrda tijorat banklari jami aktivlari hajmi 17,7 foizga (yoki 115,6 trln. so'm) ortib, 768 trln. so'mga yetdi.

2024-yil 1-fevral holatiga xususiy va chet el kapitali ishtirokidagi banklarning bank tizimi jami aktivlaridagi ulushi 32,5 foizni tashkil qilgan bo'lsa, 2025-yil 1-fevral holatiga 34,5 foizga yetdi. Bu davrda "Anorbank" ulushi (1,36 foiz) 0,64 foiz bandga, "TBC" banki ulushi (1,33 foiz) 0,60 foiz bandga, "Hamkorbank" ulushi (3,71 foiz) 0,41 foiz bandga oshdi. Qolaversa, davlat ulushi mavjud eng yirik banklardan "O'zmilliybank" (17,5 foiz) va "Asakabank"ning (7,4 foiz) jami bank tizimi aktivlaridagi ulushi mos ravishda 1,5 va 1,3 foiz bandga kamaydi.

Kreditlar. 2025-yil 1-fevral holatiga kreditlar bo'yicha hisoblangan HHI indeksi o'tgan yilning mos davridagiga (975) nisbatan 57 birlikka yaxshilanib, 918 birlikni tashkil qildi. Bu davrda xususiy va chet kapitali ishtirokidagi banklar tomonidan ajratilgan kreditlarning butun bank tizimi jami kreditlar hajmidagi ulushi 30 foizdan 31 foizga oshdi.

Iqtisodiyotga tijorat banklari tomonidan ajratilgan kredit qo'yilmalari hajmi 2025-yil 1-yanvar holatiga 533,1 trln. so'mni (YalMga nisbatan 36,6 foiz) tashkil qilgan bo'lsa, 1-fevral holatiga 866 mlrd. so'mga oshib, 534 trln. so'mga yetdi. Jami kredit qoldig'i 2025-yil 1-fevral holatiga o'tgan yilning mos davriga nisbatan 14 foizga oshdi. Bunda, jismoniy va yuridik shaxslarga ajratilgan kreditlar hajmi mos ravishda 20 va 11 foizga ortgan. Ushbu davrda jismoniy shaxslarga ajratilgan mikroqarzlar hajmi 75 foiz ko'paydi.

Ma'lumot uchun: mikroqarzlar uchun maksimal qiymat 2024-yil 1-yanvardan 50 mln. so'mdan 100 mln. so'mga oshgan.

Milliy valyutadagi jami bank kreditlari bo'yicha o'rtacha tortilgan foiz stavkasi 2024-yilning yanvar oyida 24,1 foizni tashkil qilgan bo'lsa, dekabr oyida 23,4 foizga tushgan.

Milliy valyutadagi aholi kreditlari bo'yicha o'rtacha tortilgan foiz stavkalari 2024-yil dekabr oyida 24,9 foizgacha oshdi (sentyabrda 23,8 foiz edi). Buning asosiy sababi milliy valyutadagi kreditlarga bo'lgan talabning va inflyatsion kutilmalarning yuqoriligidir.


Depozitlar. Depozitlar uchun HHI indeksi 2025-yil 1-fevral holatiga 636 birlikni tashkil etdi va o'tgan yilning mos davriga (668) nisbatan 32 birlikka yaxshilandi. 2024-yil 1-fevral holatiga, jami depozitlar hajmi 242,1 trln. so'mni tashkil qilgan bo'lsa, 2025-yil 1-fevral holatiga 310,2 trln. so'mga yetdi (o'sish 28,1 foiz).

Xususiy va chet el kapitali ishtirokidagi banklarning bank tizimi jami depozitlari hajmidagi ulushi 2025-yil 1-yanvar holatiga 1 foiz bandga oshib, 50 foizga yetdi, ammo 1-fevral holatiga "Ipotekabank" va "Tengebank"ning ulushi mos ravishda 0,67 foiz bandga va 0,37 foiz bandga qisqarishi natijasida davlat ulushi mavjud banklarning ulushi 1 foiz bandga ortdi.

Chet el valyutasi bank depozitlari bo'yicha o'rtacha tortilgan foiz stavkasi 2024-yil boshida 4,7 foizni tashkil qilgan bo'lsa, yil yakunida 5,3 foizga yetdi. Qolaversa, ushbu davrda milliy valyutada jalb qilingan depozitlar hajmi 36 foizga, chet el valyutasida jalb qilingan depozitlar hajmi 7,4 foizga ortgan.

Tahlil qilingan davrda aktivlar, kreditlar va depozitlar bo'yicha hisoblangan HHI indeksi raqobat darajasi oshib borayotganini ko'rsatmoqda. Bunda davlat ishtirokini kamaytirish, xorijiy investorlarni jalb qilish bo'yicha ko'rilayotgan chora-tadbirlar raqobat sharoitlarini yaxshilash va bank sektorini yanada rivojlantirishga xizmat qilayotganidan dalolat bermoqda.

HHI (Herfindal - Hirschman indeksi)






Monitoring natijalari 6 nomdagi mahsulot bo'yicha minimal narxlar o'tgan oydagiga nisbatan pasayganligini ko'rsatdi*.

Shunday qilib, kartoshkaning minimal narxi 19,8 foiz, sariq piyozniki 10,3 foiz, qizil sabziniki 3,4 foiz, tuxumniki 2,1 foiz, bananniki 0,9 foiz, kungaboqar yog'iniki 0,6 foiz pasaygan.

7 nomdagi mahsulot bo'yicha minimal narxlar oshgan. Ayniqsa, pomidor narxida eng katta o'sish qayd etildi. Bu mavsumiy omil bilan bog'liq.

8 nomdagi mahsulotning eng past narxlari o'zgarishsiz qolgan. Bular - bug'doy uni, guruch, makaron, oqbo'sh karam, olma, tovuq go'shti (file), sut va shakar.

**tahlil 2025-y. 6-fevral 13-mart kunlari o'tkazilgan monitoring ma'lumotlari asosida amalga oshirildi.*





Poytaxtda o'rtacha ta'mirlangan xonadonlar uchun ijara narxlari 2024-yilning noyabr oyidan beri arzonlab kelayotgan bo'lsa, to'liq ta'mirlangan 3 va 4 xonali xonadonlar uchun o'rtacha ijara narxlarida ko'tarilish kuzatildi.

O'rtacha ta'mirlangan uy-joylar ijarasi.

2025-yilning fevral oyida o'rtacha ta'mirlangan xonadonlar uchun ijara narxlari o'tgan yilning oktyabr oyidan beri sezilarli arzonladi:

- 1 xonali: \$323 (o'tgan yilning oktyabr oyiga (\$331) nisbatan -2.4%);
- 2 xonali: \$393 (o'tgan yilning oktyabr oyiga (\$414) nisbatan -5.2%);
- 3 xonali: \$480 (o'tgan yilning oktyabr oyiga (\$494) nisbatan -2.9%);
- 4 xonali: \$545 (o'tgan yilning oktyabr oyiga (\$623) nisbatan -12.5%).

O'rtacha ta'mirlangan xonadonlar uchun taklif etilgan nisbatan arzon ijara narxlari:

- Sergeli tumani (1 xonali - \$297, 2 xonali - \$366, 3 xonali - \$415, 4 xonali - \$423);
- Olmazor tumani (1 xonali - \$288, 2 xonali - \$351, 3 xonali - \$417, 4 xonali - \$488).

Nisbatan qimmat ijara narxlari:

- Shayxontohur tumani (1 xonali - \$347, 2 xonali - \$462, 3 xonali - \$568, 4 xonali - \$694);
- Yakkasaroy tumani (1 xonali - \$383, 2 xonali - \$511, 3 xonali - \$646, 4 xonali - \$675).

To'liq ta'mirlangan uy-joylar ijarasi.

Mazkur davrda to'liq ta'mirlangan xonadonlar uchun ijara narxlari o'tgan yilning oktyabr oyiga nisbatan quyidagicha o'zgardi:

- 1 xonali: \$420 (o'tgan yilning oktyabr oyiga (\$422) nisbatan -0.6%);
- 2 xonali: \$592 (o'tgan yilning oktyabr oyiga (\$600) nisbatan -1.1%);
- 3 xonali: \$857 (o'tgan yilning oktyabr oyiga (\$834) nisbatan +2.8%);
- 4 xonali: \$1160 (o'tgan yilning oktyabr oyiga (\$1118) nisbatan +3.8%).

To'liq ta'mirlangan uy-joylar uchun taklif etilgan nisbatan arzon ijara narxlari:

- Sergeli tumani (1 xonali - \$323, 2 xonali - \$417, 3 xonali - \$517, 4 xonali - \$639);
 - Uchtepa tumani (1 xonali - \$377, 2 xonali - \$436, 3 xonali - \$560, 4 xonali - \$586).
- Nisbatan qimmat ijara narxlari:
- Mirobod tumani (1 xonali - \$485, 2 xonali - \$746, 3 xonali - \$1051, 4 xonali - \$1344);
 - Shayxontohur tumani (1 xonali - \$515, 2 xonali - \$748, 3 xonali - \$1094, 4 xonali - \$1462).

Ijara narxlari olx.uz platformasidan veb-skreping (web scraping) orqali olingan ochiq ma'lumotlar asosida tahlil qilindi. Bunda 2025-yilning yanvar oyi uchun 35,7 mingta va fevral oyi uchun 37,5 mingta, 2024-yilning oktyabr oyi uchun 43,1 mingta ma'lumotdan foydalanildi. Har uchta davr uchun tahlillar narxlar chegarasining yuqori va pastki 5 foizlik kvantillari chiqarib tashlanganidan keyin amalga oshirildi.

2025-yil Yanvar



2025-yil Fevral




O'rta ta'mirlangan




To'liq ta'mirlangan


Ijara narxlar darajasi



TOSHKENT SHAHRIDA TO'LIQ TA'MIRLANGAN XONADONLAR IJARA NARXLARINING O'ZGARISHI



TOSHKENT SHAHRIDA O'RTACHA TA'MIRLANGAN XONADONLAR IJARA NARXLARINING O'ZGARISHI





Mahalliy ommabop avtomobillar narxi.

Joriy yilning fevral oyida mahalliy ommabop avtomobillarning o'rtacha narxi pasaydi.

Xususan:

- «**Onix**»: o'rtacha foydalanilgan - 3%ga (\$13 500 dan \$13 100 ga), kam foydalanilgan - 0,1%ga (\$14 865 dan \$14 850 ga);
- «**Lacetti**»: ko'p foydalanilgan - 0,3%ga (\$13 500 dan \$13 461 ga);
- «**Cobalt**»: o'rtacha foydalanilgan - 2,4%ga (\$12 300 dan \$12 000 ga), kam foydalanilgan - 1,2%ga (\$12 750 dan \$12 600 ga), ko'p foydalanilgan - 0,5%ga (\$11 600 dan \$11 538 ga);
- «**Nexia**»: o'rtacha foydalanilgan - 1,9%ga (\$11 500 dan \$11 284 ga); ko'p foydalanilgan - 0,9%ga (\$10 800 dan \$10 700 ga);
- «**Spark**»: o'rtacha foydalanilgan - 1%ga (\$10 500 dan \$10 400 ga), ko'p foydalanilgan - 0,9%ga (\$9 600 dan \$9 500 ga);
- «**Damas**»: o'rtacha foydalanilgan - 3,6%ga (\$7 985 dan \$7 000 ga), kam foydalanilgan - 0,8%ga (\$8 061 dan \$8 000 ga) arzonlashgan.

Mahalliy lyuks avtomobillar narxi.

- «**Equinox**»: ko'p foydalanilgani 1,1%ga (\$27 300 dan \$27 000 ga) arzonlagan bo'lsa, o'rtacha foydalanilgani esa 3,2%ga (\$31 000 dan \$32 000 ga) qimmatlashdi.
- «**Malibu**»: kam foydalanilgani 0,7%ga (\$31 907 dan \$31 682 ga) arzonlashgan bo'lsa, o'rtacha foydalanilgani deyarli o'zgarishsiz (\$29 000 dan \$29 070 ga) qolgan.
- «**Tracker**»: ko'p foydalanilgani 1,1%ga (\$16 984 dan \$16 800 ga) tushgan bo'lsa, kam va o'rtacha foydalanilgani narxlarida o'zgarish kuzatilmagan.

Elektromobillar narxi:

Mazkur davrda BYD E2 narx jihatidan mahalliy ommabop avtomobillarga jiddiy raqobatchiga aylangan bo'lsa, yangi BYD Song Plus avtomobillari narxlari sezilarli arzonladi.

- BYD «**E2**»: yangi - 1,8%ga (\$16 800 dan \$16 500 ga), ko'p foydalanilgan - 2,0%ga (\$14 800 dan \$14 500 ga);
- BYD «**Han**»: yangi - 0,5%ga (\$32 150 dan \$32 000 ga), o'rtacha foydalanilgan - 4,4%ga (\$36 500 dan \$34 900 ga);

- BYD «**Song Plus DM-i Champion**»: yangi - 1,7%ga (\$29 000 dan \$28 500 ga), o'rtacha foydalanilgan - 0,2%ga (\$27 050 dan \$27 000 ga), ko'p foydalanilgan - 0,6%ga (\$24 650 dan \$24 500 ga);
- BYD «**Song Plus EV Champion**»: yangi - 1,1%ga (\$28 000 dan \$27 700 ga);
- BYD «**Yuan Up**»: yangi - 1,4%ga (\$20 800 dan \$20 514 ga) arzonlagan.

Xorijiy avtomobillar narxi.


- Kia «**Sorento**»: o'rtacha foydalanilgani 1,3%ga (\$40 000 dan \$39 500 ga) arzonlagan bo'lsa, ko'p foydalanilgani 1,3%ga (\$40 000 dan \$39 500 ga) qimmatlashdi.
- Kia «**Sportage**»: o'rtacha foydalanilgani 2,3%ga (\$31 590 dan \$30 850 ga), ko'p foydalanilgani 4,6%ga (\$29 733 dan \$28 363 ga) arzonlagan.
- Kia K5: o'rtacha foydalanilgani 1,3%ga (\$27 549 dan \$27 200 ga), ko'p foydalanilgani 1,9%ga (\$26 500 dan \$26 000 ga) tushgan.

Avtomobillar bosib o'tgan masofasi hamda ishlab chiqarilgan yiliga ko'ra, quyidagi guruhlarga ajratib olindi:


- «**Kam foydalanilgan**» - 2024-yilda ishlab chiqarilgan hamda bosib o'tgan masofasi 20 000 km. gacha bo'lgan avtomobillar hamda 2025-yilda ishlab chiqarilgan barcha avtomobillar;
- «**O'rtacha foydalanilgan**» - 2024-yilda ishlab chiqarilgan hamda bosib o'tgan masofasi 20 000 km. dan 50 000 km. gacha bo'lgan avtomobillar, shuningdek, 2022-2023 yillarda ishlab chiqarilgan hamda bosib o'tgan masofasi 40 000 km. gacha bo'lgan avtomobillar;
- «**Ko'p foydalanilgan**» - 2024-yilda ishlab chiqarilgan va bosib o'tgan masofasi 50 000 km. dan ko'p bo'lgan avtomobillar, 2022-2023 yillarda ishlab chiqarilgan hamda 40 000 km. dan ortiq masofani bosib o'tgan avtomobillar hamda 2021-yilda ishlab chiqarilgan barcha avtomobillar.

Narxlarni tahlil qilishda ma'lumotlar olx.uz platformasidan veb skreping (web scraping) orqali to'plandi. Bunda ishlab chiqarilgan yili 2021-yildan yuqori bo'lgan avtomobillarning yanvar oyi uchun 20,2 mingta, fevral oyi uchun 18,5 mingta ma'lumotidan foydalanildi.

Mahalliy ommabop avtomobillar



Mahalliy lyuks avtomobillar





2024-yilda respublikada yalpi qishloq xo'jaligi mahsuloti hajmi 444,6 trillion so'mga yetdi va 5 yil ichida 18,5 foizga o'sdi. So'nggi 5 yilda yalpi mahsulotning o'rtacha yillik o'sish sur'ati 103,5 foizni tashkil etdi.

O'zbekistonning qishloq xo'jaligi sohasi mintaqada yetakchi o'rinni egallab kelmoqda: yalpi mahsulot hajmi Qozog'iston, Tojikiston va Qirg'izistonning ko'rsatkichlaridan yuqori bo'lib, bu uning ko'лами va strategik ahamiyatini aks ettiradi.

Jahon banki ma'lumotlariga ko'ra, O'zbekistonda qishloq xo'jaligida band bo'lgan bir kishiga to'g'ri keladigan qo'shilgan qiymat dunyodagi o'rtacha darajadan 4,4 baravar yuqori bo'lib, bu agrar sektorning samaradorligi va uning unumdorligi ortib borayotganini ko'rsatadi.

Mamlakat aholisining faol o'sishiga qaramay, aholi jon boshiga nisbatan qishloq xo'jaligining asosiy turdagi oziq-ovqat mahsulotlarini ishlab chiqarish barqaror oshib bormoqda:

Don ekinlari – 238,2 kg (5 yil ichida +7,6 foiz)

Kartoshka – 100,0 kg (+8,7 foiz)

Sabzavotlar – 322,7 kg (+6,1 foiz)

Meva va rezavorlar – 88,0 kg (+7,4 foiz)

Uzum – 49,1 kg (+2,9 foiz)

Poliz ekinlari – 72,2 kg (+17,2 foiz)

Go'sht – 79,2 kg (+7,5 foiz)

Sut – 334,8 kg (+4,9 foiz)

Tuxum – 236,9 dona (+2,4 foiz).

Bu ko'rsatkichlarning o'sishi soha jadal rivojlanayotgani va oziq-ovqat xavfsizligini ta'minlash bo'yicha erishilayotgan muvaffaqiyatdan dalolat beradi.

2020-2024 YILLARDA O'ZBEKISTON RESPUBLIKASIDA QISHLOQ XO'JALIGINING RIVOJLANISHI

2024-yilda qishloq xo'jaligi mahsulotlarining umumiy hajmi



Qishloq xo'jaligida qo'shilgan qiymat

2023-yilda sohada band bo'lgan 1 kishiga nisbatan
(2015-yilda doimiy AQSh dollari hisobida)



2024-yilda asosiy mahsulotlarning ishlab chiqarilishi

yiliga aholi jon boshiga nisbatan



Jadval Milliy statistika qo'mitasi, Jahon banki ma'lumotlari asosida MHTI mutaxassislari tomonidan tayyorlandi

